

Broj: 01-11817-14/16
Dana, 19.12.2016.godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14), te Rješenja broj:01-11817-13/16 od 19.12.2016.godine kojem je rješavano po žalbi ponuđača „STEPMED“d.o.o.Banja Luka, donosim sljedeću

**ODLUKU
o stavljanju van snage**

I

Stavlja se van snage:

- Zapisnik o pregledu i ocjeni ponuda** od 05.12.2016.godine;
- Odluka o izboru najpovoljnije ponude** broj:01-11817-8/16 od 07.12.2016.godine;
- Obavještenje o izboru najpovoljnijeg ponuđača** broj:01-11817-9/16 od 07.12.2016.god.

Predmetne akte Ugovorni organ stavlja van snage u skladu sa Rješenjem broj: 01-11817-13/16 od 19.12.2016.godine kojim je rješavano po žalbi ponuđača „STEPMED“d.o.o.Banja Luka izjavljenoj na Odluku o izboru najpovoljnijeg ponuđača broj: 01-11817-8/16 od 07.12.2016.godine, a koja je usvojena kao osnovana, radi nabavke kamere za laparaskopski stub za potrebe Službe operacionih sala sa sterilizacijom.

II

Ova Odluka stupa na snagu danom donošenja.

III

Za sprovođenje ove Odluke zadužuje se Služba za javne nabavke i praćenje realizacije ugovora i Služba za ekonomsko-finansijske poslove.

O izvršenju ove Odluke odgovorna lica su obavezna da redovno informišu Generalnog direktora.

Obrazloženje:

Rješavajući po žalbi ponuđača „STEPMED“d.o.o.Banja Luka izjavljenoj na Odluku o izboru najpovoljnijeg ponuđača broj: 01-11817-8/16 od 07.12.2016.godine radi nabavke kamere za laparaskopski stub za potrebe Službe operacionih sala sa sterilizacijom, Ugovorni organ je cijeneći žalbene navode i dostavljene dokaze ustanovio da je žalba osnovana iz sljedećih razloga:

Ponuđač „STEPMED“ d.o.o. Banja Luka u žalbi navodi da su prilikom uvida u ponudu izabranog ponuđača Alfa-med d.o.o. Tomislavgrad konstatovali da je izabrani ponuđač priložio u svojoj ponudi popunjen obrazac za cijenu ponude sa Tehničkom specifikacijom (Aneks 2), te da je isti ponudilo set – laparaskopsku kameru proizvođača Richard Wolf HD Endocam model 5509, po cijeni 11.934,00 KM sa uključenim PDV-om. Uz svoju ponudu ovaj ponuđač nije priložio katalog ponuđene opreme, jer isti nije ni tražen u TD. Kako su posumnjali da ponuda ovog ponuđača ispunjava vrlo zahtjevnu Tehničku specifikaciju koju je utvrdio Ugovorni organ, pribavili su putem zvaničnog web-site proizvođača Richard Wolf GmbH Njemačka katalog za set za laparaskopsku kameru model HD Endocam 5509 i uputstvo za upotrebu za istu.

Dalje navode da uvidom u katalog proizvođača Richard Wolf GmbH Njemačka je evidentno da isti u ponuđenom setu za laparaskopsku kameru HD Endocam 5509 ne ispunjava tražene zahtjeve Tehničkom specifikacijom, jer njihova glava kamere nije autoklavibilna a i duplo je teža od propisane (ima 170 gr, a ne maksimalno 85 gr), a što je izričito traženo u tehničkoj specifikaciji ovog konkurentskog zahtjeva, te su kao dokaz priložili katalog proizvođača Richard Wolf GmbH Njemačka za laparaskopski se HD Endocam 5509 (str.3) – uputstvo za upotrebu sa tehničkim karakteristikama za HD Endocam 5509 proizvođača Richard Wolf (str.38).

Rješavajući po predmetnoj žalbi, razmatrajući žalbene navode i dostavljene dokaze utvrđeno je da je ista osnovana, te je odlučeno kao u dispozitivu Odluke.

Ugovorni organ će predmet vratiti na ponovni postupak, odnosno postupiće ponovnoj analizi, ocjeni i poređenju ponuda radi nabavke kamere za laparaskopski stub za potrebe Službe operacionih sala sa sterilizacijom, te će o svim donijetim odlukama svi ponuđači biti blagovremeno obavješteni.

DOSTAVLJENO:

1. Svim učesnicima
2. Sl. za javne nabavke i prać.real.ugovora
3. Sl.za ekonomsko-finansijske poslove
4. Arhiva

GENERALNI DIREKTOR,

Prof. dr sc. med. Mirko Stanetić

